

Broj:06-03-949-03/19
Mostar, 28.11.2019. godine

Na osnovu člana 21. stav (1) tačka 9), člana 37., člana 84. stav (3), člana 87. stav (2) i člana 88. stav (1) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13, 94/15 i 54/19), člana 10., člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 46. Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14, 31/16 i 84/19), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 38., člana 42. stav (1) tačka a) i člana 43. Pravilnika za izdavanje dozvola („Službene novine Federacije BiH“ broj 2/17), člana 9a. stav (4) Pravilnika o metodologiji i načinu obračuna regulatornih naknada za imaoce dozvola („Službene novine Federacije BiH“ broj 5/17, 59/17, 49/18 i 84/19), postupajući po Zahtjevu za oduzimanje dozvole za rad broj 06-03-949/19 od 16.09.2019. godine podnosioca ERDAL d.o.o. iz Sarajeva, Tešanjaska br. 24a, Sarajevo, u postupku oduzimanja Dozvole za snabdijevanje električnom energijom – dozvole II reda broj 06-03-213/14/18, Regulatorna komisija za energiju u Federaciji Bosne i Hercegovine – FERK je 28.11.2019. godine na XVII redovnoj sjednici donijela sljedeće

RJEŠENJE
o oduzimanju dozvole

1. Imaocu dozvole ERDAL d.o.o. iz Sarajeva oduzima se Dozvola za snabdijevanje električnom energijom – dozvola II reda broj 06-03-213/14/18, izdata Rješenjem broj 06-03-213-06/14/18 od 28.03.2018. godine, sa periodom važenja od 15.06.2018. godine do 14.06.2023. godine.
2. Iznos privremene regulatorne naknade koju je imalac dozvole obavezan platiti za 2019. godinu utvrđen u tački 164. Odluke broj 08-07-1034-04/18 od 10.12.2018. godine mijenja se i glasi: „9.068,49 KM“.
3. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.
4. Stupanjem na snagu ovog rješenja prestaje važiti Rješenje broj 06-03-213-06/14/18 od 28.03.2018. godine, kojim je izdata Dozvola za snabdijevanje električnom energijom – dozvola II reda broj 06-03-213/14/18.

O b r a z l o ž e n j e

Članom 21. stav (1) tačka 9) Zakona o električnoj energiji u Federaciji Bosne i Hercegovine propisano je da je nadležnost FERK-a izdavanje, obnova, prenos ili oduzimanje dozvola za proizvodnju, distribuciju, snabdijevanje, trgovinu električne energije i operatora za obnovljive izvore energije i efikasnu kogeneraciju. Članom 84. stav (3) ovog zakona propisano je da je imalac dozvole dužan ispunjavati obaveze utvrđene dozvolom za rad, dok je članom 87. stav (2) istog zakona propisano da FERK izdaje, obnavlja, prenosi ili

oduzima dozvole za rad u skladu sa procedurama propisanim posebnim aktima FERK-a, poštujući načela hitnosti postupka, a članom 88. stav (1) navedenog zakona da se zahtjev za izdavanje, obnovu, izmjenu, dopunu ili prenos dozvole za rad podnosi FERK-u.

Članom 38. Pravilnika za izdavanje dozvola propisano je da se postupak obnove, izmjene i dopune, prenosa i oduzimanja dozvole za rad može pokrenuti na zahtjev imaoца dozvole i na vlastitu inicijativu FERK-a, dok je članom 42. stav (1) tačka a) istog pravilnika propisano da FERK može oduzeti dozvolu za rad ukoliko imalac dozvole podnese zahtjev za oduzimanje dozvole za rad. Članom 43. ovog pravilnika propisano je da se postupak obnove, izmjene i dopune, oduzimanja i prenosa dozvole, vodi na isti način kao i postupak izdavanja dozvole, kao i da ukoliko su u zahtjevu za pokretanje postupka navedene činjenice ili podneseni dokazi na osnovu kojih se može utvrditi stanje stvari ili ako se to stanje može utvrditi na osnovu opštepoznatih činjenica ili na osnovu službenih podataka kojima FERK raspolaže, ovi postupci se mogu provesti i donijeti odluka o podnesenom zahtjevu i bez održavanja javne rasprave.

FERK je 16.09.2019. godine primio od podnosioca ERDAL d.o.o. iz Sarajeva Zahtjev za oduzimanje dozvole za rad pod brojem 06-03-949/19, koji se odnosi na Dozvolu za snabdijevanje električnom energijom – dozvolu II reda broj 06-03-213/14/18, sa periodom važenja od 15.06.2018. godine do 14.06.2023. godine, koju je FERK izdao Rješenjem broj 06-03-213-06/14/18 dana 28.03.2018. godine.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola. Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi uputio podnosiocu zahtjeva Obavještenje o nedostacima podnesenog Zahtjeva za oduzimanje dozvole broj 06-03-949-01/19 od 14.10.2019. godine, te mu odredio rok radi otklanjanja u obavještenju naznačenih nedostataka i upozorio ga na posljedicu propuštanja. Postupajući po obavještenju, podnosilac zahtjeva je dostavio dopis primljen u FERK 01.11.2019. godine pod brojem 06-03-949-02/19 uz koji je dostavio traženo, na osnovu čega je FERK utvrdio da je podneseni zahtjev potpun.

Polazeći od prava podnosioca zahtjeva kao imaoца dozvole da od FERK-a zahtjeva oduzimanje izdate mu dozvole za rad uslijed njegove odluke da ne obavlja elektroprivrednu djelatnost za koju mu je izdata dozvola za rad, FERK je, u skladu sa odredbom člana 42. stav (1) tačka a) Pravilnika za izdavanje dozvola, izvršio pregled primljenog zahtjeva. Obzirom da su uz zahtjev za oduzimanje dozvole za rad navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da je podnosilac zahtjeva odlučio ne obavljati elektroprivrednu djelatnost za koju je izdata dozvola za rad, FERK je utvrdio da su ispunjeni uslovi za primjenu odredbe člana 43. stav (2) Pravilnika za izdavanje dozvola.

Na osnovu provedenog postupka oduzimanja Dozvole za snabdijevanje električnom energijom – dozvole II reda broj 06-03-213/14/18, koju je FERK izdao 28.03.2018. godine podnosiocu zahtjeva ERDAL d.o.o. iz Sarajeva, analize Zahtjeva za oduzimanje dozvole za rad broj 06-03-949/19 od 16.09.2019. godine i dokumentacije priložene uz isti, utvrđeno je da se zahtjevu ERDAL d.o.o. iz Sarajeva može udovoljiti, u skladu sa članom 21. stav (1) tačka 9), članom 84. stav (3), članom 87. stav (2) i članom 88. stav (1) Zakona o električnoj energiji u Federaciji Bosne i Hercegovine, a u vezi sa članom 43. stav (2) Pravilnika za izdavanje dozvola.

Odlukom o privremenoj regulatornoj naknadi za imaoce dozvola za obavljanje elektroprivrednih djelatnosti i imaoce dozvole za rad Operatora za OIEiEK za 2019. godinu broj 08-07-1034-04/18 od 10.12.2018. godine („Službene novine Federacije BiH“ broj 101/18) ERDAL d.o.o. iz Sarajeva je, kao postojećem imaoцу dozvole za snabdijevanje električnom energijom – dozvole II reda, u tački 164. utvrđen fiksni dio privremene regulatorne naknade za 2019. godinu u iznosu od 10.000,00 KM i varijabilni dio privremene regulatorne naknade za 2019. godinu u iznosu od 77.960,89 KM, odnosno ukupan iznos privremene regulatorne naknade za 2019. godinu od 87.960,89 KM. ERDAL d.o.o. iz Sarajeva je, postupajući u skladu sa FERK-ovim obavještenjem o obavezi plaćanja privremene regulatorne naknade za prvo polugodište 2019. godine broj 19-360-000125 od 4.1.2019. godine, izvršio uplatu iznosa od 43.980,45 KM dana 25.01.2019. godine. U skladu sa članom 9a. stav (4) Pravilnika o metodologiji i načinu obračuna regulatornih naknada za imaoce dozvola, imaoциma dozvola za obavljanje elektroprivrednih djelatnosti, kojima se vrši oduzimanje dozvole ili koji ne obnove svoju dozvolu za vrijeme važenja odluke iz člana 8. stav (4) ovog Pravilnika, iznos regulatorne naknade preračunava se pojedinačnim rješenjem na način da se za period važenja dozvole u tekućoj godini fiksni dio regulatorne naknade preračunava u skladu sa tabelom iz člana 5. stav (2) ovog Pravilnika, dok se varijabilni dio regulatorne naknade preračunava na osnovu godišnjeg ukupnog prihoda od elektroprivrednih djelatnosti koji je imalac dozvole ostvario u prethodnoj poslovnoj godini i procenta p (%) za obračun varijabilnog dijela regulatorne naknade iz važeće odluke o utvrđivanju procenta za obračun varijabilnog dijela regulatornih naknada. Obzirom na navedeno privremena regulatorna naknada za 2019. godinu je preračunata i ista sada iznosi 9.068,49 KM, te će FERK razliku u iznosu od 34.911,96 KM uplatiti na transakcijski račun ERDAL d.o.o. iz Sarajeva.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja ERDAL d.o.o. iz Sarajeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

PREDSJEDNIK FERK-a
Mile Srdanović